

TE HAHUURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matabiti hoê.

Nu. 5.

Me 1926.

Mat. 20.

*Ua paran atura Petero ia ratou, E tatarahapa, e ia
bapetizohia outou atoa i roto i te i'oa o Iesu Mesia ia matara
te hara, e horoahia mai ia te Varua Maita ia outou. (Ohipa
2:38.)*

Te Bapetizoraa Aiu

TE FAAROO nei matou e, e taua mau faaneraa ra; te ma-
tamua ra, o te faaroo ia i to tatou Fatu ia Iesu Mesia;
te piti ra, te tatarahapa ia; te toru ra, te bapetizoraa ia i
raro aé i te pape ia matara te hara; te maha ra, te tuuraa
rima ia no te hoaoaraa'tu i te Varua Maitai.

E mea au anei ia bapetizohia te mau tamarii aruaru?
Tera mai ia te pahonora, aita. Te faaroo nei matou i te
parau ta Iesu i aó atu i te mau aposetolo, i papaihia i te
Mataio 18:1-6, o tei na ô maira e, "I reira to te mau pipi
hareraa mai ia Iesu ra, e te uiraa mai ia'na, O vai te rahi i
te basileia o te ao ra? Ua parau atura i te hoé tamaiti iti
ua tuu atura ia'na i rotapu ia ratou ra, ua parau atura, Oia
mau ta'u e parau atu ia outou nei, Ia ore outou ia faahuru-

ê-hia e ia riro mai te tamarîi rii ra, e ore roa outou e ô i te basileia o te ao ra. E o te ite atu i te hoé mai teie nei tamaiti iti te huru no to'u nei i'oa, ua ite ia ia'u. Area te faaturori i te hoé i teie nei mau taata rii i faaroo ia'u nei, e huru maitai aé oia ia taamanbia te hoé ofai mule i nia i tana aí e ia huruhia oia i raro i te moana. E tapao mau teie, e ere ia i te mea tia ia dapetizohia te tamarîi aruaru, no te mea, aita ta ratou e hara, ua tiama ratou i mua i te aro o te Atua ra.

Ua imi noate mau taata ite rahi i te mau fenua i te parau e te haapiiraa tei faatia i te baptizoraa o te tamarîi aruaru. Ua imi ratou i roto i te mau parau tuatuapapa tei papahia i tera vahi e i tera vahi, aita râ i itehia te hoé noa iho parau tei faatia i te baptizoraa o te aiu. Area râ na roto i te taioraa i te parau tuatuapapa no te Ekalesia i faatiahia e Iesu, ua ite ai tatou e, ua haamatahia te baptizoraa aiu e piti hanere matahiti i muri i te Mesia.

E hopoihia maira te tamarîi rii ia'na i reira ra, ia tuu oia tana rima i nia iho e ia pure ia ratou; ua avau atura râ te mau pipi i te feia i hopoi mai. Ua parau atura râ Iesu, E vaiiho noa mai i te tamarîi rii ia haere noa mai na ia'u nei, eiaha e faaorehia'tu, mai ia ratou hoi to te basileia ra o te ao. (Mataio 19:13-15) Ua au te tamarîi rii i to te Basileia o te Atua, e na ite tatou e, aore roa te mea viivii e ô i roto i te Basileia o te Ao, e no reira na ite ai e, na ma roa te tamarîi i te mau hara o teie nei ao.

Ua haapiihia e, ia baptizohia te mau tamarîi no te hara a Adamu, tei nia iho ia ratou e tiaí. Ua faaorehia râ te reira hara e Iesu na roto i to'na taraehara. Te faaroo nei matou e, e faantuhia te taata no te mau hara ta'na i rave, eiaha râ te hara a Adamu. Eiaha roa'tu tatou e manaó e, ia ore te tamarîi rii e baptizohia, e pohe ratou e a muri noa'tu. Na roto i tera manaó ino, te faaore nei tatou i te aroha rahi o to tatou Fatu.

Taio maite tatou i te mau parau tei papaihia i te Moroni 8:8-23. Na ô maira te taioraa no taua parau ra.

“A faaroo mai i te mau parau a te Mesia, o to oe Faa-ora, to oe Fatu e to oe Atua hoi. Inaha, aore au i haere mai i nia i te fenua nei e parau i te feia parau-tia, i te feia parau-ino râ ia tatarahapa: e ere no te feia ora te taote, no te feia mai râ; e te tamarii rii ra ua ora ia ratou, aita hoi e e tia ia ratou i te rave i te hara; e te hara a Adamu ra, ua faaorehia ia e au, e aita to te reira e mana i nia ia ratou; e te ture no te peritome ua faaore-atoa-hia ia ia’u.

“E i na reira mai te Varua Maitai i te faaite mai i te parau a te Atua ia’u; no reira, e ta’u tumaiti here, te ite nei au e, i ta outou baptizoraa i te tamarii rii ua vahavahahia te Atua.

“Inaha, te parau atu nei au ia oe, o teie ia ta outou e haapii; e haapii outou i te tatarahapa e te baptizo i tei tia ia ratou i te rave i te hara; oia ia, e haapii outou i te mau metua ia tatarahapa, e ia baptizohia, e ia faahaehaa ia ratou iho mai ta ratou mau tamarii rii e tia’i, ei reira e ora atoa ratou e ta ratou mau taamarii rii atoa ra.

“Aita hoi e au te tatarahapa i ta ratou tamarii rii ra, aita atoa te baptizo. Inaha, ua haapaohia te baptizo no te tatarahapa e au i te faatiaraa i te mau faaue no te faa-oreraa i te hara.

“Ua ora râ te tamarii rii i te Mesia mai te haamauraa mai â o teie nei ao; Ahiri aita ia, ua riro te Atua ei Atua faatia pae tahi, e te faahuru ê, e te haapao i te huru o te taata; te rahi hoi o te tamarii rii ra i pohe na aore i baptizohia.

“E ahiri aita to te tamarii baptizo-ore-hia e ora, ua haere ê na ratou i te hade hope ore ra.

“Inaha, te parau atu nei au ia oe e, o ratou tei manaó ia baptizohia te tamarii rii e tia’i, o teioto ia i te au avaava

HISTORIAN'S OFFICE

Church of Jesus Christ of Latter-day Saints

47 East South Temple St.

SALT LAKE CITY, UTAH

e te ruuruuhia hoi ia i te ino ra; aita hoi to'na e faaroo, aita atoa e tia'i, aita atoa e aroha; no reira ia pohe oia a vai ai taua manaó ra i roto ia'na, ia tae oia i raro i hade e tia'i.

“E parau-ino hau ê hoi ia manaó e, e faaora te Atua i te hoê tamarii iti no to'na baptizoraahia, e e haapohe i te tahi no to'na baptizo-ore-raa-hia.

“Atae hoi ratou i na reira i te haapió i te mau eá o te Fatu ra, e pohe hoi ratou ia ore ratou ia tatarahapa. Inaha, te parau atu nei au ma te mātāú ore, i roaa hoi ia'u te mana no ō mai i te Atua ra; aore hoi o'u e mātāú i ta te taata e rave mai ia'u nei; na te aroha rahi hoi e iriti ê atu i te mātāú;

“E ua i roa vau i te aroha, o te aroha mure ore ia; no reira e hoê noâ huru to te mau tamarii atoa i to'u nei manaó, no reira te aroha nei au i te tamarii rii ma te aroha hape ore; e e hoê noâ huru to ratou atoa, e e roaa ia ratou taatoa ra te ora.

“Te ite nei hoi au e, e ere te Atua i te Atua haapao pae tahi, e ere hoi i te Mea faahuru ê; e hoê noa huru râ to'na mai tahito mai â e a muri noa'tu.

“Aita e tia i te tamarii rii ia tatarahapa; no reira e parau-ino rahi roa ia huna i te aroho mau o te Atua ia ratou, ua ora hoi ratou taatoa ia'na no to'na aroha.

“E o te parau maie, ia baptizohia te tamarii rii e tia'i, o te huna ia i te aroha o te Mesia, e te faaore hoi i te tarahara na'na, e te mana o to'na ra ohipa faaora.

“Atae hoi te taata mai te reira te huru, ua fatata hoi ratou i te pohe, te hade, e te mauui mure ore. Te parau nei au ma te mātāú ore, na te Atua hoi i faaue mai ia'u. E faaroo mai i te reira e e haapao, e ia ore râ, e faahapahia outou i te reira ia tae i te haavaraa o te Mesia ra.

e rat
ora'i
e faa
faahi

aroha
tiatur

TE
ai
tine).

ua pa
tumu
mahan
hoé sat
roto i t
hia e,
mai i t
aé i to'
Mesia,
tapao
mua i t

I t
rahiraa
raveraa
Etene

“Inaha hoi, ua ora te mau tamarii rii atoa i te Mesia, e ratou atoa tei ore i ite i te ture ra. E tae hoi te mana e ora’i i nia ia ratou aore o ratou e ture ra; no reira, o te ore e faahapahia ra, eita e tia ia’na te tatarahapa; e eita e fau-faahia te taata mai te reira te huru i te bapetizo.

“E vahavaharaa râ ia i te Atua, e hunaraa hoi i te aroha o te Mesia e te mana o to’na Varua Maitai, e o te tiaturiraa ia i te ohipa pohe ra.” (Moroni 8:8-23.)

— Viliamu Biridi

Te Taivaraa Rahi

(Tuatihia teie nei parau.)

TE matihiti e toru hanere aore ahuru e ma ono, ua riro ai te faatereraa hau i te Arii ra o Conisatino (Constantine). Faaherehere ihora teie Arii i te Ekalesia, e no reira, ua paruruhia te reira e ana ra. Ua parau-haere-hia e, te tumu oia i na reira’i; no te mea, ua uruhia oia i te hoé mahana, e i to’na híoraa’tu i nia i te raí, ite aéra oia i te hoé satauro i roto i te reva, e ua papaihia i nia iho, “na roto i teie nei tapao haavi ai i te fenua nei.” Ua manao-hia e, e parau haavare anaé teie, no te mea, aita oia i amui mai i te Ekalesia e tae noa, tu e fanu pue matahiti na mua aé i to’na poheraa. Ua faariro râ oia i te Ekalesia a Iesu Mesia, ei Ekalesia no te hau, e i reira ua riro te satauro ei tapao no taua Ekalesia ra. E ua faatiahia te reira tapao i mua i te nuu Roma, a haere atu ai ratou i te tama’i.

I te reira tau, i haamata’i te tupuraa o te taivaraa i te rahiraa, e i reira ua faahuru-ê-hia’i te mau toroa, e te mau raveraa moá i te Ekalesia, Ua amui mai te Ati Iuda e te Etene i roto i te Ekalesia, e ua amui atoa mai i to

ratou mau peu tahito i roto i te Ekalesia apî, e ua imi ratou i te ravea, ia ravehia'i te ohipa mai tei ravehia i roto i te Ekalesia Ati Iuda, i tahito ra. Ua aó atu Iesu no nia i teie nei vahi, a na ô atu ai oia e, "Aore e taata i tifai i te ahu tahito i te ahu apî; i na reira, e rahi roa ia te motu o taua ahu ra i tau tifai apî ra. E ore hoi te taata e tuu i te uaina apî i roto i te farii tahito, i na reira, a amaha ta farii; manii atura te uaina, e ino roa'tura te farii; e tuu ra ratou i te uaina apî i roto i te farii apî, e ora apipiti ia. (Matt. 9:16-17)

Tera mai ia te huru no te tahi peu i ravehia i roto i te Ekalesia i te reira tau, oia hoi, na roto i te mau parau pió i parau-noa-hia'i ua tupu te manaó e, e mea viivii roa te tino, e ua faautuahia te varua na roto i to'na tuuraahia i oto i te tino o te taata nei. No reira, ua imi te mau taata i te ravea e haamauiuihi'i te tino ia roaa te hanahana i te varua. Ua faarue ihora te tahi pae, i te vahi taata, haere atura ratou i te medabara, e i reira ua haapae ratou i te maa, e ua rave hoi ratou i te mau mea atoa ia haamauiuihia'i te tino. Ua tapea te tahi pae ia ratou iho i roto i te tapearaa, e na roto i teie nei mau mea ríaria rahi, ua manaó i hora ratou e, te rave ra ratou i te hinaaro o te Atua ra. Ua ite ê na Iesu, e tupu teie mau raveraa hape ra, no reira oia i na ô mai ai e, "E ia paran mai te taata ia outoti e, inaha oia tei te madabara, eiaha e haere; inaha tei roto i te piha, eiaha e faaroo." (Mataio 24:26)

Ia haapii maite tatou i te Evanelia i aóhia mai e tei haapiihia mai e Iesu, na papu ia tatou e, e mau manaó ino anaé teie, e aita roa'tu teie mau haapiiraa i roto i te Evanelia hanahana a Iesu mesia. Ua ite râ tatou e, te hoturaa mau ia no te taivaraa.

Ua faahuru-ê-hia te bapetizoraa e ratou. Ua ite papu tatou e, ia bapetizohia te taata e tia'i, no te mea, ua parau atura Iesu, "Amena, amene e parau atu vau ia oe, ia ore

te taat
leia o t
ia tate
no te p
noa iho
mai tei
no te
ite hoi
i te pap
Eaha k
"Hoé k

No
pipi ra
tasa ia
ra. E
atira, u
parupa
No reir
noa-hia
matahi
ere teie
mai i t
parau p

Ua
mau ta
Ekalesi
Ua na
êi te va
nei. "
Iehova,
anaé ra
reira e
vahine,

te taata ia fanau i te pape e te varua, e ore oia e ô i te Basi-
leia o te Atua ra' (Ioane 3:5) Na teie irava anaé i haapapu
ia tatou, ia baptizohia e tia'i. E faaauraa te baptizoraa
no te poheraa e te tia-faaaou-raa mai i nia. No reira, hoé
noa iho baptizoraa e au ai, oia hoi, te baptizoraa utuhi,
mai tei ravehia e Ioane Baptizo, ia'na i baptizo ai ia Iesu,
no te mea ua haere maira oia mai raro mai i te pape. Ua
ite hoi tatou e, aore e tia ia'na te haere mai, mai raro mai
i te pape maori râ ua tuuhia oia i raro i te pape na mua aé.
Eaha hoi i haapióhia'i te parau papai o tei na ô maira,
"Hoé hoi Fatu, hoé faaroo, hoé baptizo." (Epheisa 4:5)

No reira, tera mai ia te uiraa, nohea mai te baptizoraa
pipi ra, mai te ravehia nei e te mau haapaoraa? O Nova-
tasa ia te taata matamua i baptizohia i te baptizoraa pipi
ra. E taata taiva oia i te Ekalesia, a roohia ai râ oia i te
atira, ua hinaaro oia ia baptizo-faahuo-hia, area râ nō to'na
paruparu aita i tia ia'na ia baptizohia i te baptizo utuhi.
No reira, ua pipihia oia i te pape, e mai reira mai â ua rave-
noa-hia tana huru baptizoraa. E i te reira tau hoi i haa-
matahia'i te baptizoraa i te aiu. Eiaha râ e manaó e, e
ere teie te parau mau. Ua iritibia teie mau parau no roto
mai i te parau tuatupapa o te Hau Roma. No reira, mau
parau papu anaé teie.

Ua faaorehia te haaipoiporaa o te mau orometua, e te
mau taata haapii no te Ekalesia. E te tapea noa nei a te
Ekalesia Katorika, i te reira haapiiraa i teie nei â mahana.
Ua na ô maira Paulo i to korinetia e, "Aita râ te tane i taa
ê i te vahine, aita atoa te vahine i taa ê i te tane i te Fatu
nei. "(1 Korinetia 11:11) Ua parau ihora te Atua ra o
Iehova, E ere ia i te mea maitai ia parahi noa Adamu oia
anaé ra; e hamani au i te tahi tauturu au na'na ra. No
reira e faaue ai te taata i to'na metua tane e to'na metua
vahine, a ati atu ai i ta'na vahine, e e riro hoi raua ei hoé.

(Genese 2:18-24) E taivaraa mau ia, a faaorehia'i te man mea moá a te Atua. Te vai atura hoi te tahi mau mea tei faahuru-ê-hia i taua mau matahiti ra.

Ua parauhia te reira mau tau, te mau tau poiri. E mau tau poiri iho â ia te reira, no te mea, ua tapea-etaetahia te taata i raro. Aita i faatiahia, in taio ratou i te Bibilia e te tahi atu â mau buka tei papaibia i te reira tau. Na te orometua râ i taio e na'na hoi i tatara, mai te au i to, na manaó, e no reira, ua haapoiri-hia'i te faruriraa o te taata.

Aita râ teie huru faatereraa i vai noa i rotopu ia ratou. Ua tia mai te tahi mau taata i nia e ua parau maira ratou i te mau parau patoi i te Ekalesia Katorika. E na roto i ta ratou mau parau e ta ratou mau ohipa, ua tupu mai ai te Ekalesia Porosetani. Aita râ to ratou e mana no te faatiraara i te Ekalesia, area râ ua maitai te ao atoa nei na roto i te mau haapiiraa e te mau mea ta teie na taata i rave.

Ua amui oioi mai te mau taata e rave rahi i roto i taua Ekalesia ra, e ua tupu oioi oia i te rahiraa. Ua haamaitahia te mau taata i roto i taua Ekalesia ra, aita râ te mana o te Atua i vai i roto i te reira Ekalesia.

I te matahiti 1830, ua faatia-faahou-hia te Ekalesia a Iesu Mesia, e ua tuuhia te mau toroa e te mau raveraa moá ra i roto i taua Ekalesia nei, E te parau-haere-hia nei teie nei Evanelia i te mau vahi atoa, e o te faaroo e ora ia, o te ore e faaroo râ e faahapahia ia.

— Ioane Orotona

Hió atura vau i te hoé melahi i te maneraa na ropu i te reva nei: ma te evanelia e tia i te vairaa ra ei pororaa'tu i te feia e parahi i te ao ra, i te mau fenua atoa, e te mau nunaa atoa. (Apokalupo 14:6.)

To Te Taata Tiama.

U A horoahia mai te tiama i te taata hou oia i fanau ai i roto i teie nei ao. Ua tnuhia mai Adamu raua o Eva i te ô Edene, e ua horoahia maira te ture ia raua. Ua parau maira te Atua e, E amu noa oe i to te mau raua atoa o te ô nei; area i to te raua e ite ai i te maitai e te ino, eiaha oe e amu i te reira; ei te mahana e amu ai oe i te reira, e poheia oe. Genese 2:16-17. Aita râ te Atua i faahepo ia raua i te maitai e aita hoi oia i aratai ia raua i te ino. Ua faatia râ oia ia maiti raua i tei au i to raua hinaaro. Maiti atura raua, e faahapahia ihora.

Ua na ô maira te parau papai e, E teie nei, e haamanaó e haamanaó, e au mau taeae, o te pohe ra e pohe no'na iho ia, e o te rave i te parau-ino, te rave ra ia oia i te reira no'na iho; inaha hoi, e feia tiama outou; e tia ia outou te rave na to outou iho; inaha, na te Atua i ho mai i te ite no outou, e na'na i faariro ia outou ei feia tiama. (Helemana 14:30.) Eaha te mea i roaa mai na roto i te raveraa i te maitai ra? Tera mai ia te pahonora, oia, te oaoa. E na roto i te raveraa i te ino ra, ua oto roa te aau. Ua faaauhia te haavaraa no te taata, ia tae i te hopea, e e haavahia te taata no ta'na mau raveraa atoa, e ta'na mau parau e to'na mau manaó. No te mea, ua na ô maira Iesu e, e tiatia hoi oe i ta'oe parau, e e faahapahia oe i ta'oe parau. Eiaha râ tatou e manaó e, e faahapahia te taata atoa i te taime i rave ai oia i te ino, e eiaha hoi e manaó e, e haamaitahia te taata i te taime i rave ai oia i te maitai. Na roto râ i te paari o te Atua, te tia nei oia no te taime au, a faahapa ai, e aore râ haamaitai ai i te taata nei.

A fernri ai tatou i teie mau parau i nia nei, ua tupu te uiraa e, Eaha te hara? Ua pahonohia teie uiraa i roto i te Episetole matamua na Ioane, i te pene toru e te i rava maha,

Ua na ô maira te taioraa no taua parau ra, O tei rave i te hara ra, ua faahapa ia i te ture; o te faahapa hoi i te ture ra, o te hara ia. No reira ua tia i te taata te faahapa i te mau ture a vai ite ore ai oia. Eita râ te taata e faahapahia i te reira mau ture, maori râ te mau ture ta'na i ite. Te vai ra te tau e horoahia mai te taatoaraa o te ture i te reira huru taata, e e tia ia'na te farii i te mau ture o te Evanelia i reira. Amene.

--Ioane Orotona

Te Mau Parau Apî

I te fenua Amerika i te mau mahana i mairi aénei, te rave ra te hoé taata i te ohipa i roto i te hoé fare toa rahi roa. E a rave noa'i oia i te reira ohipa, ua hohonihia oia e te veri. E toru mahana to'na vii-mauini-raa. No reira, ua haere oia i mua i te haava, e ua haavahia ihora te fatu no taua fare toa rahi ra. Tera mai ia te utua i horoahia mai i te taata tei hohoihia, oia hoi, e toru ahuru e ma hitu dala (37) moni farane.

I te oire San Francisco, i fenua Amerika i te mau mahana i mairi aénei, ua haere na taata apî e toopiti i roto i te hoé fare toa i reira. Hoo maira raua i te tahi mau mearii, e ia oti aéra, ua rave ihora te hoé o raua i ta'na pupuhi, mai te faaue atu i te fatu o taua fare i te horoa mai i ta'na moni atoa ia raua. Ua riro râ teie taata no'na te fare ei aito mau. E no reira, ua rave mai oia ia raua, e ua moto noa oia ia raua, e i te hopea ua horo ê atu raua, e aita roa'tu to raua opuaraa ino i manuia.

I te f
faatiahia
te hoé ha
hoi, e pu
Ua marô-
rahi. I t
iteahia te
hia ihora
mai i taua
taata, no

Te haer
i te orie r
te hoé utu
Tera ia t
pii oia i
roto i te
reira ohip
ahuru e m
haaati ih
aénei to'n
mau Taat

I te f
hoé mutoi
oia i te m
taua maa
te huru i
aéra oia i
ua horo ê
fatu o te
i maoro,
ra. Faai
te parau e
e hoé taut

I te fenua Holland i te mau mahana i mairi aénei, ua faatiahia te hoé apooraa i rotopu i te mau taata faatere no te hoé haapaoraa i reira. Tera te uiraa i tupu i reira, oia hoi, e puhi mau anei tei parau atu ia Eva i te o Edene. Ua marô-noa-hia teie nei uiraa e ratou no na mahana e rave rahi. I te hoé mahana râ a tae mai ai te mau veá ra, ua iteahia te hoé afata rahi i rotopu i taua mau veá ra. Iriti-hia ihora te reira afata, e ua nee maira te hoé puhi no roto mai i taua afata ra, e ua tupu ihora te haama no teie mau taata, no te mea ua ite ratou e, ua atahia ratou.

Te haere nei te taata ra o Hari Pidigeone (Harry Pidgeon) i te orie rahi ra o Niu Yoka (New York) e e horoahia mai te hoé utua rahi e te maitai ia'na, a tai atu ai oia i reira. Tera ia te ohipa maere rahi ta'na i rave, oia hoi, ua haapii oia i te ohipa faatereraa pahi i roto i te haapiiraa na roto i te taioraa i te mau buka. I to'na ite-papu-raa i te reira ohipa, ua hoo mai oia i te hoé poti nainai roa. E toru ahuru e ma maha avae (34) te roa no taua poti ra. E ua haaati ihora oia i te ao atoa nei. E piti matahiti i mairi aénei to'na taeraa mai i Tahiti nei. Ua haamanaó paha te mau Taata Tahiti ia'na.

I te fenua Amerika i te avae i maire aénei, ua haere te hoé mutoi i roto i te hoé fare tamaaraa, tamaa'i. Ua amu oia i te maa no roto mai i te pârau, e a amu noa'i oia i taua maa ra, ua itea ia'na te hoé mea paari roa mai te ofai te huru i roto i to'na vaha. Iriti ihora i te reira mea, e ite aéra oia i te hoé poe nehenehe roa. Ouá maira oia i nia, e ua horo ê atura i rapai e reira râ na tupu te maitau no te fatu o te fare, o te riro ia oia i te faahapahia. Aita aéra râ i maoro, ua hoí maira oia, e ua afai atoa mai oia i taua poe ra. Faaite atura oia i te reira poe i te mau taata'toa, mai te parau e, ua tia ia'na ia hoé atu i te reira poe no te moui e hoé tautini e piti hanere dala (1200) mo'i farane.

I te 19 no Mati ua pohe roa'tu ai te metua tane no te peretideni o te hau Amerika, o John C Coolipge to'na i'oa. E vau ahuru e ma hoé to'na matahiti a pohe atu ai oia.

I roto i te oire ra i Datona (Dayton) i te fenua Amerika, i roto i te avae i mairi aénei, te mauue ra o Ioane A. Macready i roto i te hoé pahira. Ua mauue aé oia e maha ahuru e ma pae tauatani maha hanere maha ahuru e ma vau avae i nia, oia hoi (e vau maile) e ua riro ia'na te rê matamua i rotopu i te mau taata atoa tei rave i teie nei ohipa.

I te 15 no Mati i roto i te oire o San Jose, ua tupu ai te ati rahi roa. Te tere ra te mau taata e rave rahi i nia iho i te hoé pereoo auahi. Ua tae ratou i te eáturu rahi roa, e a haere ai ratou i nia iho, ua parari te reira eáturu, e ua topa ihora ratou atoa e hoé hanere e iva ahuru e ma piti avae i raro roa. Ua pohe roa e piti hanere e maha ahuru e ma vau taata, o te vai mauini noa nei e iva ahuru e ma toru taata.

Ua haapeápeáhia te ohipa no te hoé haavaraa i te fenua Amerika. Mai tera te huru, ua nira te mau potii i taua vahi ra i te tahi mau oé nainai roa i nia iho i to ratou tapea totíni, e ua tai noa teie mau oé, a haere noa'tu ratou. E no teie huru maninia, aita i tia ia rave-maitai-hia te ohipa. "E ua na ô maira hoi Iehova, no te mea ua teoteo te mau tamahine a Ziona, e na haere ma te faateni i te aí ra; e ma te mata apatahi ia haere ra, e te haere ma te titotito, e te haapeepee to ratou avae i te haereraa". (Isaia 3:16.)

O. B. Peterson, Imprimeur,

Rue Brea et de la rue Dumont d'Urville, Orovini, Papeete

TE T
tu
mai nei
mau ra
i te ma
Te
tufaa o
manaó
tatou e
parau n
anotau.
Mesia,
Ia
manaó
Ekalesi